

靈寶領教濟度金書卷之一百十二

坐七

靈寶領教濟度金書卷之一百十二 坐七

洞微高士開光救苦真人竈全真授

靈寶通玄弘教水南先生林靈真編

科儀立成品遷拔道場用

單朝儀

坐七

燒香頌

各禮師存念如法

衛靈呪

五星列照煥明五方 水星卻災 木德致昌

癸惑消禍 太白辟兵 鎮星四據 家國利亨

名列玉簡字錄帝房乘飈散景飛騰太空  
出入冥無遊宴十方五雲浮蓋招神攝風  
役使萬靈上衛仙翁和與道合真

鳴法鼓二十四通

發爐

无上三天玄元始三炁太上道君召出臣等  
身中三五功曹左右官使者侍香金童傳言  
散花玉女五帝直符直日香官各三十二人  
出出者嚴裝闕啓壇天帝神君當召此間  
土地里域真官正神急上闕啓臣今奉爲齋

意以今陞壇行道願得  
玉清道炁靈寶妙光下降流入臣等身中令  
臣所啓之誠速達徑御

太上无極大道至真玉皇上帝御前

請稱法位

具位奉行遷拔道場法事小兆臣某與臨壇  
官衆等謹同誠上啓

虚无自然元始天尊无極大道太上道君太  
上老君高上玉皇十方已得道大聖衆至真  
諸君丈人三十二天帝君玉虚上帝玉帝太

帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上傳太  
平下教二十四真人西城總真王君太元真  
人東嶽上卿司命茅君定錄保命二真人名

坐七

二

山洞府得道神仙三界官屬一切真靈臣聞  
元始開圖祖炁胤飛玄之妙虛皇撫運神功  
敷空洞之竒建鰲極以奠玄黃簸鴻鈞而凝  
經緯乍遐乍邇昭昭而玉宇飛浮或顯或微  
赫赫而金書洞煥爲三靈之柱石實萬古之

津梁凡屬範圍悉同歸戴臣等夙承慶運獲  
際昌時拊景煙霞敢守空山而獨善依光日  
月蓋度無間以同仁庶寅亮於天工庸裁成  
於帝化凡有投告敢不上聞齋主青詞謹當  
宣奏

宣詞

按如詞言備殫激切齋主某天屬情鍾人倫  
義重營營夙夜徒懷藏壑之舟茫茫歲時曷  
障逝川之水慨一死而形神迥隔歷千生而  
音容莫聞誰伸援手之仁惟劇驚心之感若

稽瓊笈式按瑤圖龍岫山中三錄演威儀之  
祕香林園內九幽昭科品之崇垂芝渥於朔  
單煥楓恩於壘澤請命則陰靈離夜出地戶  
以超凌歸神則陽爽乘晨入天門而宴樂魏  
巍功德赫赫威光爰殫一辨之恭肅啓十華

坐七

三

之聖紫煙上下翠騫參景於靈風綵霧後先  
珠黍浮空於聖日鳳蹕振雲衢之韻龍輿旋  
輦路之塵群仙翼轅萬真駮駕眇眇劫仞紫  
金妙相以端凝奕奕鬱羅白玉毫光而遍覆  
上徹虛无之境下通寥泝之鄉俯聽芻蕘不

遺葑菲臣等深慚蚊負僭領駕班願垂有造  
之仁恪副無私之禱以今陞壇行道請法衆  
等運茲初捻上香

願此香煙騰空徑上供養

无上至真道寶臣等皈身皈神皈命首體投

地仰依

太上三寶願以是功德上祝社稷尊靈宗祧  
先聖遊神太漠御景空无飛羽蓋以朝元瓊  
林問道擁霓旌而乘景瑤圃疑玄開寶運於  
天長蔭璇圖於地久英君世出哲輔時生



皇帝道邁義農功高軒燧五福並滄瀛之大  
億齡齊嵩華之崇文恬武熙歌九功而梯航  
肆覲內安外輯舞七德而玉帛來儀疑甘露  
於金莖耀景星於玉宇今故燒香自皈依  
師尊大聖衆至真之德得道之後保天長存

和與道合真

以今陞壇行道請法衆等運茲二捨上香  
願此香煙騰空徑上供養  
无上至真經寶臣等皈身皈神皈命首體投  
地仰依

太上三尊願以是功德歸流齋主家九玄七  
祖億劫種親伏願千冤解悟萬罪清夷離鬼  
官而送迎玉章起死救魔王而監舉金簡迴  
生超步武於北單沐精神於南上逍遙雲外  
遊宴霄中齋主某慶襲先春香凝晚節敦願

坐七

四

自樂門庭迎葦故之祥視履相歡眷屬享康  
寧之祉灌雲漿而駐景漱霞醴以怡顏融和  
氣於壺天萃歡聲於福地今故燒香自皈依  
師尊大聖衆至真之德得道之後升入無形  
和與道合真

以今陞壇行道請法衆等運茲三捻上香  
願此香煙騰空徑上供養

无上至真師寶臣等皈身皈神皈命首體投  
地仰依

太上三尊願以是功德歸流三途滯爽五道  
窮魂伏願仁風披拂道日舒明噓暖律於寒  
庭九幽挾續耀陽曦於夜壑六洞乘晨地除  
簡對以飛霄水絕盟言而御景永辭黑鬱徑  
上朱陵臣等師友親姻妄業冰澄真機月瑩  
紅塵超迹均證悟於大乘青簡登名咸策功

於小有既往步始青之妙見存彰抱紫之玄  
扶三洞以光明翼九清而朗徹今故燒香自  
皈依

師尊大聖衆至真之德得道之後長享自然  
和與道合真

禮方

懺方

三啓

三禮

重稱法位

具位臣某與臨壇官衆等謹重誠上啓

虛元自然元始天尊无極大道太上道君太

上老君高上玉皇十方已得道大聖衆至真  
諸君丈人三十二天帝君玉虛上帝玉帝太  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上傳太  
平下教二十四真人西城總真王君太元真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
道契虛无高運一元之表教尊靈寶密敷三  
極之中陶陽綱陰紀以包羅提地緯天經而

囊括怡怡惠露垂潤澤於有生藹藹慶雲昭  
覆蔭於無極自清微開上乘之妙至赤明啓  
下教之期凡激切以投誠必昭宣而度命今  
齋主某仰慮亡故某劫終劫始身後身前蘊  
三業而飄蕩愛河縱七情而流吹欲海日貪

黼黻耳混宮商肥甘每縱於舌端馨馥常參  
於鼻觀意逐紛華之境身貪紈綺之塵罪根  
惡根生死根纏縈覺地業障報障煩惱障膠  
擾靈源三彭啓覺以雲奔二豎乘危而風動  
重泉杳杳積夜茫茫自非請命於玄穹曷俾

升神於黑壤是以䟽瀾百慮澄肅一心開藥  
笈以宣揚建芝壇而鋪設轉經行道徼浩蕩  
之洪恩燒香散花輅涵濡之聖澤期提携於  
幽爽庸超邁於陽庭伏願梵炁彌羅靈光洞  
煥白簡降三天之邃丹綸開九夜之幽煥朗

坐七

六

銅門昭明鐵壘即俾亡故某被除業網解釋  
冤機無拘留逼合之憂升遷御景極侍衛送  
迎之樂保舉朝元度五戶而出三途開八門  
而超六道得生天上勿墮地中聽法玄都劫  
不經於輪轉聞經青極運常際於太平齋主

其與道合真爲善最樂吉祥至止茂迎天錫  
之蕃釐福德昭融常宴神資之純嘏紹箕裘  
而有耀襲簪紱以連榮普宴松蘿均陶桑梓  
上願三靈昭泰五紀和寧風雨均調山林靜  
晏朝多賢輔共昌太平之基野絕游農同迓  
時雍之治考息陰陽於夜壑愆消水火於寒  
庭五道昭甦三塗開泰則上明  
天尊大慈之化下副齋主皈命之誠謹啓以  
聞



一願乾坤明素二願氣象清玄三願  
聖君萬壽四願化洽八埏五願天垂甘露六  
願地發祥煙七願四時應節八願萬物生全  
九願家多孝悌十願國富才賢十一願齋功  
廣被十二願善瑞日臻

坐七

七

### 存神燒香

香官使者左右龍虎君侍香諸靈官當令臣  
行道之所自然生金液丹碧芝英百靈衆真  
交會在此香火爐前令臣學道得道求仙得  
仙齋主受福幽顯沾恩十方仙童玉女侍衛

香煙傳臣向來所啓之誠速達徑御  
太上无極大道至真玉皇上帝御前

出堂頌

回靜默堂

謝師

回向

訖醮謝恩儀

法事如式

各禮師存念如法

衛靈呪

五星列照 煥明五方 水星卻災 木德致昌  
熒惑消禍 大白辟兵 鎮星四據 家國利亨  
名刊玉簡 字錄帝房 乘飈散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁 和與道合真

鳴法鼓二十四通

發爐

无上三天 玄元始三炁 太上道君 召出臣等  
身中三五 功曹左右 官使者侍 香金童傳言  
散花玉女 五帝直符 直日香官 各三十二人

出出者嚴裝關啓玄壇天帝神君當召此間  
土地里域真官正神急上關啓臣今奉爲齋  
意以今設醮謝恩燒香行道願得

玉清道炁靈寶妙光下降流入臣等身中今  
臣所啓之誠速達徑御

坐七

太上无極大道至真玉皇上帝御前

請稱法位

具位奉行遷拔道場法事小兆臣某與臨壇  
官衆等謹同誠上啓

虛无自然元始天尊无極大道太上道君太

上老君高上玉皇十方已得道大聖衆至真  
諸君丈人三十二天帝君玉虛上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上傳太  
平下教二十四真人西城總真王君太元真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
炁混太无高拱清微之表功恢妙有昭弘紫  
極之中宰二儀而御陰陽運五靈而調經緯

金書流演仁風丕扇於黃垓玉宇飛浮湛露  
膏濡於黑鬱自龍漢而啓運至鶴鳴而流芳  
齋按三天結靈寶飛玄之炁醮敷九地遵正  
一空洞之文有感斯通無文不度今醮官某  
凝神碧落勵志清虛飛死炁於陰關已承初  
生七  
惠妙生神於陽境更藉終仁爰抒葵藿之恭  
恪致蘋蘩之敬伏願丹輿綠輦朱鳳以徘徊  
徊羽蓋瓊輪翼玄龍而迅邁八極之真靈混  
合十華之仙聖旁昭俱會道場普矜德悃臣  
不勝望

天瞻聖激切之至稽首再拜奏請

誦聖

三界衆真醮筵列聖適伸拜請諒沐光臨請  
各整於仙班共祗迎於  
帝馭

降九位

鸞輿至止鶴駕臨軒與醮衆真如儀朝禮朝  
禮既周請陞醮席齋官上香設拜初進酒

法事

重稱法位

具位臣某與臨壇官衆等謹同誠上啓

三清上聖七御玄尊天府朝元一切真宰臣  
聞黍珠八妙祥開騰勝之天碧玉凝玄瑞應  
浮黎之土八緯霞明於神谷七經日耀於靈  
關中有度人集群真而校錄上無復祖超五

大以包羅龍文開赤明之圖鳳炁結紫霄之  
牒九幽科品三籙威儀是靈寶之淵宗實玄  
元之闡奧臣等志惟知白心昧迴黃抱裁金  
鸞簡之文風雲慶會綴曳玉駕班之武雨露  
霑濡旣鼓舞於仁風宜汪涵於聖澤凡有投



告盍爲關聞爰有青詞謹當宣奏

宣詞

按如詞旨備露忱恂齋主某仰籲圓穹俯矜  
方壘念情纏骨肉倏四大之各離而勢隔音  
容痛百身之莫贖冥冥長夜杳杳丘寒生後

坐七

十

生前寧免冤輪之運劫終劫始難忘業網之  
張黑編紛糾於真曹青律張皇於獄吏匪繇  
帝力曷免神威爰皈心九豹之關庸請命八  
鸞之御之壇日近移晷藹之霓旌騫座雲開  
輅鬱華之雲蓋弘杼丹幅肆邇清光荷葑菲

之不遺鑿芻蕘之可采玉龍迅告提夜壑而  
無拘天門金馬驛程廓寒庭而拔出地戶亡  
故某乘晨有慶離夜無憂監真度生徑陟虛  
无之界迴骸起死永躋清淨之鄉萬罪清平  
千冤和釋允拜拯提之造敢忘飯謝之誠敬  
袂清筵偕陳禴祭伏望昭昭日鑒赫赫時歆  
翠掌流金擁伶華而激響珠簾耀玉昭符寶  
以流明和瓊臨三秀之筵鳴玉映五明之座  
大鈞塊乳傾心願享於克誠小物徬徨勵志  
恪殫於庸敬飯依激越塵冒凌兢臣不勝瞻

天皇聖侯命之至

亞獻

具位臣某與臨壇官衆等謹同誠上啓

三清上聖七御玄尊四府萬靈一切列聖臣  
開始青出教昭祖炁於五文大赤垂科煥靈

坐七

十一

光於二禁慧燭耀人天之境慈航駕生死之  
津諸天臨軒混虬輪而肆會衆真侍座拱獅  
御以浮空胎嬰結育於齊仙魔厲奔飛於嚴  
攝萬天萬地一陰一陽大哉靈寶之奇至矣  
虛玄之妙今齋主某丹衷罔極素志堪矜北

鬱返魂已藉三天之聖澤南丹度命更資九  
地之靈功庶永宴於青華式上賓於紫極伏  
願恩綸鼓動德綍飛流慈雲汎蔭於初忱法  
雨宜覃於終惠即俾亡故某性天朗悟心地  
昭融一塵不染於生根愆尤冰散萬翳罔干  
於命帶寃債風清金符輝煥其襟懷玉券昭  
華其步武神升碧落登雲路以高躋炁合玄  
虛憇月庭而迅步得預黍珠之妙會常聆騫  
翠之空歌注訟停閑考殃絕滅福雲仍於蘭  
畹蔭姻族於芝林克爲金闕之臣永侍玉京

之聖齋主某道心開發德性充周臉潤霞明  
固金花而不老體融月學迎玉樹以長新壺  
天華金屋之春福地映玉階之曉松茂栢悅  
南山介壽於期頤芝秀蘭芳東海衍祺於純  
嘏齊眉穆穆坐膝誦誦弦誦相歡暢承家之

文獻箕裘自樂溥濟世之聲猷蒙如丹禱之  
私允拜洪釐之被上願三靈昭瑞五氣呈祥  
風靜雲藏天光澄寂川流岳峙地景凝安握  
千秋玉鏡之輝開萬年金枝之耀桑麻雨足  
歡擊壤以謳歌禾黍雲連樂荷鋤而鼓舞四

塞不聞於刁斗千林普息於樵蘇恩周動植  
之生澤遂飛潛之性陰僚幽掾咸擢陽班苦  
爽窮魂均登道岸臣不勝虔禱之至

終獻

具位臣某與臨壇官衆等謹同誠上啓

坐七

十二

虛无自然元始天尊无極大道太上道君太  
上老君高上玉皇十方已得道大聖衆至真  
諸君丈人三十二天帝君玉虚上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六

部尊經玄中大法師上相上宰上傳太  
平下教二十四真人西城總真王君太元真  
人東嶽上卿司命茅君定錄保命二真人名  
山洞府得道神仙三界官屬一切真靈臣聞  
至敬無文莫露加邊之實大禮必簡深懷掩  
豆之羞事天既罄於多儀享帝宜殫於明德  
拳拳烝應切切神交以今百和煙微千枝燼  
冷雲飛華蓋將旋景於蕭臺月湛參期亟回  
光於藻闕鳴鞘逸響法從旋班萬聖傾光御  
紫煙而上邁諸天復位乘綵霧以高征臣等

拜手瑶墀馳神碧落運元會道密瞻絳室之  
嵯峨度命登真仰企玄關之縹緲臣不勝攀  
戀激切之至謹稽首再拜奉送

回輶頌

復爐

坐七

焚燎

向來

十三

靈寶領教濟度金書卷之一百十二

共計



